

聚學軒叢書



聚學軒叢書第二集第五

田居

十

卷

宮

新

金

可

廬

徽

金

石

畧

十

卷

安徽金石略卷一

涇縣趙紹祖輯

貴池劉世珩校刊

安慶府

隋舒州容璨大師碑

無年月佚

薛道衡撰

在潛川

按唐獨孤及覺寂碑有云碑版之文隋內史侍郎

河東薛公道衡唐相國刑部尚書贈太尉河南房

公琯繼論撰之是道衡有容璨碑也

趙紹祖識

唐太平興國寺碑

調露間

在懷寧

佚

太平興國寺碑乃調露年間碑圖經載爲薛稷書又

有唐潁碑亦有古法

輿地紀勝碑目

按安慶府志載太平興國寺爲元創明修不知唐

前已有寺殊為失攷 趙紹祖識

唐皖山祠碑 永淳元年 劉嘉哲撰 在懷寧 佚

唐永淳元年太湖縣尉劉嘉哲撰劉師憲書 輿地紀勝碑目

唐璨大師碑銘 寶應元年 房琯撰 在潛山 佚

山谷寺容璨大師碑徐浩書在舒州 金石略

璨大師碑銘唐寶應元年房琯文徐浩書 輿地紀勝碑目

唐天柱山天柱觀記 大曆五年 吳均撰 在潛山 佚

大曆五年吳均撰并書 墨池編

唐四絕碑 無年月 李華撰

集古錄云唐李陽冰篆并李華文張從申書 輿地紀勝碑目

唐舒州山谷寺上方禪門第三祖璨大師塔銘 大曆七年 獨孤

及撰 在潛山 佚 文載毘陵集

銘略云僧湛然等狀稱大師遷滅將二百年秀和尚
寂和尚傳其遺言先朝猶特建靈塔且加塔冊諡大
師法門津梁至今分骨之地未霜易名之典今因肅
宗皇帝齋忌伏乞准開元中追褒大照等禪師例特
加諡號兼賜塔額中書門下牒淮南觀察使牒奉勅
宜賜諡號鏡智禪師

按此文雖題曰銘實無銘但記其追賜諡號事耳

時獨孤及爲舒州刺史也 趙紹祖識

唐山谷寺覺寂碑銘

大曆八年 佚

獨孤及撰

在潛山

山谷寺智禪師銘唐大曆八年獨孤及撰張從申書

輿地紀勝碑目

碑略云師號僧璨出見於周隋間遺骨此山二百歲矣庚戌某剖符是州明徵故事其茶毗起塔之制實天寶丙戌別駕趙郡李公常經始之而易名之禮朝廷多故未遑比邱釋湛然等以爲請揚州牧御史大夫張公延賞以狀聞大歷七年夏詔冊諡禪師曰鏡智塔曰覺寂以大德僧七人灑掃供養

碑陰記

咸通二年

張彥遠撰

佚

三祖大師碑陰記唐咸通二年張彥遠撰

輿地紀勝碑目

唐天柱山司命眞君碑

無年月

楊淑撰

在潛山

楊淑文并書在舒州

金石略

按墨池編楊淑作楊琬

趙紹祖識

唐天柱山司命真君碑

大歷八年

在潛山

佚

徐浩八分書在舒州

金石略

天柱山司命真君廟碑大歷八年立

輿地紀勝碑目

按吳均楊淑皆撰文并書自各爲一碑惟徐浩八分書者或卽大歷八年所立之碑宋徐閔中眞源萬壽宮記有云道經云司命洞府在潛山唐明皇帝嘗夢與之接於是發內庫繒帛遣使入山創立廟貌是天柱觀始建於唐故一時碑版之文如此其盛也

趙紹祖識

唐山谷寺三祖大師偈

建中三年佚

包吉撰

在潛山

唐御史中丞包吉撰建中三年立 輿地紀勝碑目

唐李習之題名 無年月 在潛山 佚

李翱題名在舒州 金石略

李習之題刻在山谷寺見張商英遊潛山詩 輿地紀勝碑目

唐舒州新堂銘

無年月 李翱撰 在潛山疑當 在廬州 佚 文載李習之集

銘略云先時寢壤有隘其廬乃作斯堂高嚴旗旗吏事既退齋心以居思民之病擇弊而鉏大旱之後鄰邑成墟獨我州岷樂哉胥胥丞相所言乃下徵書復官於朝以解前疽刻銘於斯永示羣舒

按安慶府志載入此文攷史李翱爲廬州刺史時州旱權豪賤市田屋而竄戶仍輸賦翱收豪稅萬

二千緡貧弱以安則此銘當在廬州不當在舒州也然輿地紀勝碑目亦收入安慶府銘末云以示羣舒廬州正羣舒之地或後人因此舒字而誤爲舒州耳

趙紹祖識

余初未見習之集但取新書翺傳觀之故妄有此說後得習之集讀之見其中有別潛山神文自云長慶二年來臨此邦遭罹炎旱淮左畢同鄰郡逃亡十家六空惟此舒人安業於農深悔其率因不復改易更綴數語於後以誌讀書不多妄作論斷之過且以示來者無蹈此失然余又疑本一事而史誤舒州爲廬州也甚矣讀書通曉之難也

趙紹祖識

唐金陵懷古詩

無年月

杜牧撰

在潛山

未見

唐杜牧金陵懷古詩刻在三祖山石壁上

天下金石志

唐左真人仙堂記

開成二年

張虛白撰

在潛山

潛山真君廟左真人仙堂記開成二年張虛白撰

輿地

紀勝碑目

按安慶府志潛山左真人仙堂在真源宮唐寶應

二年建開成五年張虛白記

碑目云二年未知孰是

後漢書

云左慈廬江人安慶府志云潛人潛地在漢屬廬

江郡蓋此爲左慈祠也

趙紹祖識

唐魏令祠堂記

開成五年

在望江

佚

唐魏令祠堂記開成五年立

輿地紀勝碑目

麴大夫祠在望江縣治北大夫墓前唐白樂天作秦

中吟哀之

安慶府志

按麴信陵吳縣人貞元六年爲舒州望江令及受
代民遮道不得去得再任卒於官留葬焉民爲立
祠白傳秦中吟本以誚罷官立碑之多愧辭者而
末敘信陵之德政而終之曰無人立碑碣惟有邑
人知然輿地紀勝碑目載麴令祠堂記蓋碑立於
開成五年在白作詩後或因白詩而立之亦未可
知也

趙紹祖識

唐法華院額

無年月

在桐城

未見

法華院額在桐城唐宣宗御書

輿地紀勝碑目

法華寺在桐城縣東三十里梁昭明太子讀書處有

祠存寺額爲唐宣宗筆

安慶府志

唐四面山大中寺碑

大中十三年

在太湖

佚

四面山大中寺唐碑在太湖縣北十五里寺有古碑
題大中十三年建咸通五年重修宋大觀中知太湖
縣孫勰記云大中帝者宣宗也其微時常避禍祝髮
爲比丘周遊天下築庵隱於是

輿地紀勝碑目

吳開元寺碑陰記

李宗撰

佚

南唐順義九年李宗撰

輿地紀勝碑目

按順義是楊吳紀元云南唐誤也順義但有七年
無九年是又誤也

趙紹祖識

南唐丹霞府新泉記

保大二年

在潛山

佚

舒州丹霞府新泉記保大二年立

輿地紀勝碑目

按安慶府志載潛天柱山有峰曰丹霞峰有洞曰
丹霞洞而不言有碑則其亡已久矣

趙紹祖識

南唐文宣王廟碑

文宣王廟碑序徐

輿地紀勝碑目

南唐九疊松贊

九疊松贊徐

輿地紀勝碑目

按二碑當皆是徐鉉撰書碑目文缺不得其詳

趙紹

祖識

南唐保大中勅書石刻

在潛山

佚

保大中勅書石刻在三祖乾元寺

輿地紀勝碑目

南唐喬公亭記

保大十三年

徐鉉撰

在潛山

佚

篆法甚古保大十三年徐騎省記

輿地紀勝碑目

南唐雙溪院碑

保大十三年

徐鉉撰

集古錄云南唐徐鉉撰并篆記碑以保大十三年立

輿地紀勝碑目

南唐周將軍廟

保大十三年

徐鉉撰

在潛山

佚

周將軍廟碑保大十三年徐騎省記

輿地紀勝碑目

按宋周必大周將軍廟記有云五代時刺史周廷

構招其廟騎省徐鉉爲之記卽此碑也廟今在潛

山縣治南一里

趙紹祖識

宋天柱山靈仙觀記

太平興國七年
潛山佚

賈黃中撰 在

張編云興國七年舒州懷寧縣有老僧詣萬壽山取
寶掘得鵞石刻誌公記云吾觀四五朝後次甲子年
趙號太平二十一帝僧忽不見州以石刻來獻六月
甲戌詔舒州修司命真君祠號曰靈仙觀九朝通略
云太平興國四年嘉州亦有石文云趙二十一帝
紀勝碑目

按徐閎中真源萬壽宮記有云先是太平興國中
靈仙觀既成翰林學士賈黃中爲之記是黃中所
撰卽此碑也 趙紹祖識

宋向處士墓誌

咸平五年
慶府志

在太湖

未見

文載安

誌略云先生皖之熙人也少通經史晚憩息龍山之
下朝夕與從遊講易凡所著作無不殫烟霞而擅靈
最惜天未優之以後止生三女享年九十而逝咸平
五年八月中秋夜越明年葬事成爲題其墓曰嗚呼
松風黯黯木葉淒淒渺靈隱於荒外蕩浩魄於幽微
萬古絕續來之約千秋無再覩之期誠恐陵谷變遷
故刻石爲記庶先生傳不朽矣

按太湖志曰宋向榮處士也葬於龍山之麓萬厯
甲申山水衝決得墓誌余考志中無諱榮字不知
太湖志何從得其名

趙紹祖識

宋潛山黃先生墓誌

熙寧六年 肅集

劉摯撰

文載劉忠